


タイトル番号：0075

書名：橘山遺事

5冊



橘山遺事

重訂改刻

一

289
1



刻改卯乙政安

帆足先生譯 門人岡弘道重訂

鎮西橘山遺事

南筑紫陰堂藏版 全五冊



余嘗讀

烈祖成績逸史外史等書其於

東照大君暨織田豐臣頗詳密而列

國群雄則略而不備且間有謬訛蓋

列國之事非產于其地閱其家乘參

以者舊之言則纖悉曲折不可得而

知也。因謂列國操觚之士各自考訂

成編則精而不遺。覈而不誣。羣雄割
據盛衰之迹。名將賢輔忠臣烈士之
懿。皆得以彪著于天下。而為萬世之
龜鑑。豈不偉哉。頃者柳河藩士岡子
毅齋與其師帆翁鵬卿俱所著橋山
遺事五卷。眎余請序。其書備載
祖梅岳公之事。而以高橋天叟公

附焉。考訂精確。敘述明暢。乃予之所
以望於列國操觚之士。而予毅先獲
我心。嗟賞久之。維 楳岳公大友氏
宗室也。大友氏為九州探題。國大權
重。士馬精強。管下羣豪皆帖服。及其
衰也。諸豪各雄據州郡。不稟其令。日
以攻伐為事。藝主毛利氏略十餘州。

勢强大。西與龍造寺合。屢遣輕騎相
夾擊。嶋津氏又出銳師。轉鬪而來。由
是疆土日蹙。羣臣多叛。岌々乎亦已
危矣。公奮忠節。不以盛衰易心。與
天叟公相為掎角。北拒藝師。南禦薩
軍。每戰輒勝。屹然為長城。大友氏不
亡者。公力也。至於天叟公巖屋

之事。則決死守孤城。驅區々之兵。當
百倍虜悍之衆。英氣咆勃。血戰旬餘。
日。殺敵如莽。僵屍山積于壘下。然力
竭矢盡。外無虻蚍之援。遂為社稷授
命。士卒皆鬪死。莫肯降者。嶋津氏精
銳亦多殪。為之氣大沮。松蔭公得
以完立。花而大友氏亦賴以不亡。其

功與張睢陽蔽遮江淮者侔而死節
之壯烈過之千載之下凜々有生氣
凡二公之勲業節烈與其麾下熊
羆不貳心之士皆可以為萬世龜鑑
者先儒略而不載子毅乃能奮輯成
編可謂信史矣子毅襟宇俊爽有器
識倘使之生于二公之世必致力

於行陣。搴旗斬將。固不落麾下猛士
之後矣。方今四海昇平。智勇無所展
若可惜者。然提三寸不律。於竹山山
陽諸老之外。更拔戟成一隊。使二
公功烈炳々烺烺。照映于百代。其掉
鞅文苑。致忠先君。較之搴旗斬將
之功。無愧色焉。顧余筆力孱軟。不足

為予毅張聲勢。特喜其先獲我心也。故弗敢辭而序之。加化三年歲次丙午二月。

東與艮齋安積信撰

三井敏書

序

足利氏之季。王室已微。政令不行。群雄割據。專事攻取。強侵弱。眾暴寡。兵革不休。士民疲弊。當是時。臣弑其君者有之。子弑其父者有之。彝倫之道已壞。而天理幾乎滅絕矣。獨梅岳公以忠勇英烈之資。輔相豐府。屢進讜言。國人倚賴焉。及出守立花。連挫勁敵。威震

西陲。鞠躬盡瘁。歿而後已。中井竹山著逸史。
有

公背豐卽肥之語。方薩之強盛。大師北略。

松蔭公年少。猶據孤城。與之相抗。況

公時豐府雖衰。二筑豪帥。尚多効忠者。

天叟公居寶滿。與立花相爲唇齒。而龍造寺

之強。遠不及薩。且方爭南肥。未嘗遣偏師攻

立花。以

公之神武。豈遽俛首事之哉。竹山碩儒。逸史

頗行於世。人或信其言。友人笠子恭等。深慨

於此。纂錄野史家乘。旁及耆老之言。苟係

公事者。擿撫無遺。黜其謬妄。辨其同異。參互

考訂。十餘年。七換稿。始克成編。名曰

梅岳公遺事。并及

天叟公完節之事。凡十二卷。及道遊南豐。受業於帆足先生。先生授以譯文法。因取子恭書以進。先生喜。與門生譯以漢文。賜道。道盥漱。并讀。喜出望外。已卒業。竦然久之曰。

先君忠烈偉勲。既孚於當時。而爲不知者所誣。此臣子所以日夜憤嘆而不能已也。假令本藩史臣譯是書。世未必信。而逸史之誣。終

莫之白也。先生學博德邵。其言之文。足以傳遠。況此編簡練明鬯。與原稿比較。如反錦睨之花葉禽魚之文。粲然明著。莫有不肖。與當今文士所著。撰恣意割斷削足適屨者。固不可同日而語也。因與門下諸子謀。上之梓布於海內。使覽者知

先公功烈之盛。則逸史之謬。不辨自明。雖道

之鄙陋纂錄補輯亦與有力焉則庶幾有以
報國恩萬分之一豈非幸乎遂叙其由以
爲序。

天保十五年甲辰春三月

柳河 岡弘道謹撰

臣弘道按野
史於梅岳天
叟二公稱呼
不一定直書
之臣子之心
所不安故今
悉換用公字
且其他文字
所妨礙則又
改從內辭

凡例

一梅岳天叟二公勲績顯著記載失其實者亦不少故
此編首舉引用書目附以管見示取捨之意也
一編中所引古文書卽當時文檄尤爲可徵也然其文
簡約間有難通曉者或唯記月日而不繫年故擇取
其明了易曉者祿光寡聞恐多遺漏冀後賢補正耳
一野史家乘所載頗有與感狀簡牘異者定屬妄謬然
亦不可概棄故附以管見使覽者有所考
一戰死姓名雖不可闕盡載繁絮可厭今所記載要以

徵其事也。餘載別錄。

一 凡事有兩說而非難辨者。與他野史所載事實年月。參考取其近是者。若有不可棄者。兩存以待識者辨正。

一 此編獨載二公事。然若豐府事及他邦戰爭。與二公有關係可為張本者。畧為收錄以備參考。

一 野史記巖屋事。大同小異。亦不能無紕謬。今擇取其善者。天叟公薨後五十年。松蔭公命天叟寺僧良堂薦福作偈。且錄其守城始末。尤為確實。文長不可節取。自當別傳。今此不載。

一 野史記事雖當時所作。概多遺漏。紕謬亦復不少。如小瀨甫菴太閤記以松蔭公與秋月種實同降。是也。經年已久。諸家史乘稍出。須從聞見別著拾遺。

一 編中藩士人有父子同通稱者。宜註名諱。略舉所聞見。或註或否。覽者諒焉。

一 戶次軍談西國太平記西國盛衰記筑紫軍記陰德太平記肥陽軍記鎮西要略等。見行於世。而率多虛謬。今皆不取。

笠間孫光識